



ՆԵՐՍԵՍ ԱՐՔԵՊԻՍԿՈՊՈՍ ՊՈԶԱՊԱԼՅԱՆ

Ք Ա Ր Ո Ջ
(9 ապրիլ 1989 թ.)

«Յանուն Հօր եւ Որդւոյ եւ Հոգւոյն Սրբոյ. ամէն»:

«Նոր խորանիդ արեգական արդարութեան նոր օրհնութիւնս տւոցոք և անդադար փառաւորեացոք»:

Նոր խորանիդ՝ արդարության արեգակիդ, նորոգ օրհնություն կտանք եւ անդադար կփառաւորենք:

Սիրելի հավատացյալ քույրեր և եղբայրներ,

Մեր Տիրոջ՝ Հիսուս Քրիստոսի հարություննից հետո այս երկրորդ կիրակին մեր Եկեղեցու սրբազան հայրապետները կոչել են Աշխարհամատրան կամ Կանաչ կիրակի:

Աշխարհամատուռ բառը նշում է այն վայրը, ուր հավատացյալներն են հավաքվել աղոթելու նպատակով, և այդ վայրը հիմնված է եղել ի հիշատակ Քրիստոսի զոհաբերության: Ուրեմն Աշխարհամատուռը այն աղոթավայրն է կամ Եկեղեցին, որը նվիրված է քրիստոնեության հիմնադրության գաղափարին՝ հիմք ունենալով Քրիստոսի զոհաբերությունը:

Ծիշտ երկու շաբաթ առաջ Հայաստանյայց Եկեղեցին, մյուս քրիստոնյա Եկեղեցիների հետ, տոնախմբեց հիշատակը Քրիստոսի մատնության, դատաւարտության, չարչարանքների, խաչելության, թաղման և հրաշափառ հարության: Նա իր մահվամբ հաղթեց մահվան:

Աստվածորդին մեզ նման ծնվեց, մարմնացավ, մարդացավ, որպեսզի իր մարդկությանը և զոհաբերումով մեր մեղքերը սրբի, մեզ առաջնորդի դեպի արդարության և խաղաղության նավահանգիստը: Երբ Քրիստոսի երկրային առաքելությունն ա-

վարտվեց, ըստ մարգարեների՝ գուշակության, նրան մատնեցին, դատաւարտեցին և Գողգոթայի բարձունքում խաչեցին որպէս մահաւարտի: Ապա նա թաղվեց նորավոր գերեզմանում: Իր թաղումից երեք օր հետո մեռելներից հարություն առավ, վերակենդանացավ, աշակերտներին հայտնելով որպէս հարուցյալ և հաղթական Փրկիչ:

Հիսուս իր քարոզության տարիներին, հաճախ իր աշակերտներով շրջապատված, նրանց հետ կիսում էր իր մտածումները, առակներով իր միտքը բացատրում, այդպիսով դաստիարակում էր նրանց, ուսուցանում և բացում նրանց իմացականության դռները, դարձնելու համար նրանց սերմնացանները իր վարդապետության գաղափարների: Նման հավաքներ հաճախ էին տեղի ունենում Երուսաղէմում, Վերնատան մէջ:

Հիսուս վերջին անգամ, ավագ հինգշաբթի օրը, Վերնատան մէջ, իր մատնությունից քիչ առաջ, իր աշակերտների հետ ընթերցեց: Առավ հացը, կիսեց եւ բաշխեց նրանց՝ ասելով. «Առեք, կերեք, այս է իմ մարմինը, որ ձեզ և շատերի համար բաշխուիլով է վասն քաւության և թողության»: Ապա վեցրեց գինու բաժակը, խմեց ու աւաց. «Խմեցեք սրանից բոլորդ, այս է նոր ուխտի իմ արյունը, որ ձեզ ու շատերի համար թափուիլով է վասն քաւության և թողության մեղքերի»: Այսպիսով նորահաստատ Եկեղեցու համար հիմնեց Ս. Հաղորդության խորհուրդը: Եվ աղպես, քիչ ժամանակ անց, նա իր անմեղ արյունը թափեց հանուր մարդկության մեղքերի քաւության համար Գողգոթայի բարձուն-

քում: Իբրև անարատ Գառ մա պատու-
րագվեց, զոհվեց:

Հիսուսի աշակերտները, մրա հարություն-
մից հետո, հաճախ հավաքվում էին Վեր-
նատանը, այնտեղ աղոթքով և Հաղորդու-
թյան խորհրդի միջոցով պահելու մրա հի-
շատակը: Հիսուս իր համբարձման պահին
աշակերտներին պատվիրեց. «Նստարութի
քաղաքիդ յերուսաղէմ, մինչև զգեճուցութի
զօրութիւն ի բարձանց»: Նրանք Վերնա-
տանը սպասեցին աղոթքով, հոգևոր եր-
գասացությամբ, սաղմոսներ մըմնջելով և
Հիսուսի կյանքը վերհիշելով: Նրա համ-
բարձումից տասը օր հետո, հրեից Պե-
տեկոստեի տոնի օրը, Սուրբ Հոգին հրե-
ղեն լեզուների կերպարանքով, «ահեղա-
գոչ սաստիկ հնչմամբ», իջավ աշակերտ-
ների վրա՝ օծելով մրանց անսպառ
շնորհներով: Միշտ այդ պահին է, որ Վեր-
նատանը Սուրբ Հոգու կենարար դրոշմով
հիմնվեց Քրիստոսի Եկեղեցին:

Հիսուս երբ իր աշակերտներից ամենա-
տարեցին՝ Պետրոսին ասում էր՝ «դու ես
վեմը, և այդ վեմի վրա պիտի կառուցեմ
իմ Եկեղեցին», մա մկատի ուներ մրա հա-
վատը և այդ հավատի վրա հիմնեց իր
Եկեղեցին: Մեր Եկեղեցին մենք հաճախ
կոչում ենք Մայր, որովհետև ի հոգևորս
մենք վերածնվում ենք Եկեղեցու ծոցից,
այսինքն՝ մրա մկրտության ավազանից,
այնտեղ վազմելով թոթափում ենք մեր ա-
ղանական մեղքերը և Սուրբ Հոգու խոր-
հրդանիշ սուրբ մեռոնով՝ դրոշմվելով՝
դառնում ենք զավակները Եկեղեցու: Ահա
այսպես է հիմնադրվել Քրիստոսի առաջին
Եկեղեցին Աշխարհամատում: Նրա հիմ-
նադիրն է եղել Քրիստոս և մրա շնորհա-
տու Սուրբ Հոգին:

Հիսուսի աշակերտները Հոգեգալստից
հետո քարոզչական առաքելությամբ գնա-
ցին Միջերկրական ծովի ավազանի շրջ-
անայքի ծանոթ բոլոր երկրները՝ բաշխե-
լու համար այն լույսը, որ ստացել էին մրա-
նից, և այն ճշմարիտ Բանը (լոգոսը), որ
ճանաչել էին մրա անձի միջոցով: Նրանք
աշխարհով մեկ վկայեցին Քրիստոսի հա-
րության ավետիսը, որ ամեն մեկ հավա-
տացյալի հարության միջոցն է դառնալու:

Մեր Եկեղեցու հայրերը այս կիրակին
կոչել են մա Կանաչ: Մեր շուրջը մայելիս
իրապես այս շրջանում ամեն ինչ կանաչ
ենք տեսնում: Բնությունը թոթափում է
ձմեռան ցուրտը, հողը փափկում է, ծառերը
կանաչում են, ծաղիկներ բացում, կանաչ
ծիլերը հողի տակից արևին են ժպտում,
դաշտներն ու լեռնալանջերը ծաղկով ու դա-
լար կանաչով զարդարվում, առփակները
երգում են ուրախ խոխոջով, մույնիսկ մեր

վանքերում բույն դրած ծիծեռնակները վե-
րադառնալով իրենց երգն են միացնում
մեր երգին: Փառք բարձրալին Աստուծո,
որ ձմեռան հաջորդում է գարունը: Կյան-
քում մենք մեռնում ենք մարմնով, բայց
մեր հոգին անմահ է, հավիտենական: Աստ-
ծուց մեր ստացած հոգով մենք մման-
վում ենք Արարչին: «Աստված իր պատկե-
րի համաձայն ստեղծեց մարդուն», ասում
է Աստվածաշունչը: Այդ պատկերը Աստու-
ծո լուսափայլ ներկայությունն է մեր մեջ,
և մենք պետք է ձգտենք գտնել այն:

Այս աշխարհը և կյանքը մարդու հա-
մար մի հովիտ է դառն ու քաղցր, որտե-
ղից անցնում ենք մեր ծննդյան օրվանից
մինչև մեր աչքերը փակելը: Մարդն ապ-
րում է այնքան, որքան մախասահմանված
է ի վերուստ: Իսկ մեր մարմնավոր կյան-
քը՝ ժամանակավոր, առավելագույնը 80—
90 տարի: Քիչ բախտավորներ են թեակո-
խում հարյուրը:

Կյանքն Աստուծո կողմից տրված մի
պարզ և մարդուն, որպեսզի այն գեղեցիկ
լինի և արդյունավետ պետք է ծառայեցվի
վեմն մպատակների իրագործման: Հաճախ
կյանքում մեզ հաջողվում է բարձր դիրքի
և հարստության հասնել, սակայն եթե չենք
կարողանում մեր կյանքը ծառայեցնել ժո-
ղովրդի, ազգի, հայրենիքի ու մարդկության
շահերին, մշանակում է, որ մենք անձնա-
սերներ ենք, և մեր շահածը շատ շուտ քա-
մում է տրվում: Իսկ, ընդհակառակը, եթե
այն ծառայեցնենք ազնիվ մպատակների,
դառնում ենք իմաստուն, մարդասեր և եր-
կընքում դիզում անսպառ գանձեր:

Անցյալ դեկտեմբերին Հյուսիսային Հա-
լաստանը ենթարկվեց տարերային աղետի:
Ահավոր ուժի երկրաշարժը քարոքանդ ա-
րեց բազմաթիվ քարեկարգ, շեն քաղաք-
ներ ու գյուղեր: Տասնչակ հազարներով
զոհեր տվեցինք, փլատակների տակ մնա-
ցին հազարավորներ, իրենց տների գերան-
ների տակ թաղվեցին մեծ թվով մարդիկ:
Աղետը ոչ միայն մեր տունը քանդեց, այլ
մաև սարսեց մեր հավատը. Կոմիտասի
երգի բառերով ասած՝ դարձանք «տո, լաճ
տնավեր»:

Բայց այդ «տո լաճ տնավեր»-ը մեզ հա-
մար տևական վիճակ չպետք է լինի, որով-
հեն մեր երկիրը մման աղետներ շատ է
տեսել, մենք միշտ դիմացել ենք: Մենք
շինարար ժողովուրդ ենք, հավատում ենք,
որ միասնական ուժերով կարող ենք արա-
գորեն վերաշինել մեր քանդված քաղաք-
նեռն ու գյուղերը:

Միբելի հավատացյալ քուրեր և եղբայր-
ներ, իսկական քրիստոնյան մա է, ով իր
եղբորը օգնության ձեռք է երկարում, թի-

կունք կանգնում իր նմանին, որպեսզի ոտքի կանգնի: Մեր միջից իսպառ պետք է վերանան շահատակության, յուրացումի, կողոպուտի հոռի քարքերը:

Տիպար քրիստոնյան իր ունեցվածքից պետք է բաժին հանի իր նմանին, անձնասեր չլինի, այլ՝ ընկերասեր, բարեսիրտ: Հարկ է, որ մենք զոհողություն հանձն առնենք տուժածին մխիթարելու, սովածին կերակրելու, անօթևանին տեղ տալու, մերկին հագվեցնելու, ծարավին ջուր տալու և մեր սրտի ջերմությամբ գուրգուրելու ներանց:

Թող այս գարնան հետ Քրիստոսի հարության շունչը տարածվի մեր երկրում, վերաշինենք մեր տունը, ծաղկեցնենք մեր հայրենիքը: Թող հայ ժողովրդի զավակները չդառնան թափառական օտար անհետ, այլ վերադառնան հայրենիք, վերահաստատվեն իրենց տաքուն բներում և լծվեն հայրենաշեն աշխատանքի:

Սիրելի հավատացյալներ, իբրև Եկեղեցի և իբրև քրիստոնյա ժողովուրդ, մենք շուրջ երկու հազար տարվա պատմություն ունենք: Հայաստանյայց Եկեղեցին բաղադրիչ մեկ մասն է ամբողջ աշխարհի քրիստոնյա Եկեղեցիների: Աշխարհամատուան տոնի ստեփիլ, իբրև քրիստոնեական մի հին Եկեղեցու անդամներ, մեր ուխտն ու հավատը վերանորոգենք հանդեպ Քրիստոսի և նրա հիմնած հավիտենական Եկեղեցու: Թող մեր նոր սերունդը, ինչպես անցյալում, այսօր էլ ծնվի նրա մյուռնաբույր ավազանից և դառնա ժառանգորդ բարյաց: Թող աստվածային շնորհները անսպառ լինեն մեր սիրեցյալ ժողովրդի վրայից: Թող բացվի հոգևոր գարունը նոր ծաղկունքով և նոր հեռանկարներով և հավետ օրհնյալ լինի մեր Տիրոջ՝ Հիսուս Քրիստոսի անունը այժմ և հավիտյան:

«Թագաւոր երկնաւոր զեկեղեցի քո անշարժ պահեա, և զերկրապաշտ անուանդ քում պահեա ի խաղաղութեան»: Ամեն:

